


# Indeksi i Çmimeve të Importit

## Tremujori IV, 2025

**Tiranë, më 05 Mars:** Indeksi i Çmimeve të Importit, në tremujorin e katërt të vitit 2025, arriti 107,4 kundrejt vitit 2021 si periudha bazë. Krahasuar me tremujorin e katërt 2024, indeksi i çmimeve të importit shënoi ulje me 0,5 %, një vit më parë ky ndryshim ishte -0,9 %. Ndryshimi tremujor i indeksit të çmimeve të importit në tremujorin e katërt 2025, krahasuar me tremujorin e tretë 2025, ka shënuar një rritje shumë të lehtë.

Fig.1: Ndryshimet vjetore të Indeksit të Çmimeve të Importit sipas tremujorëve



**Ndryshimi vjetor:** Krahasuar me tremujorin e katërt 2024, çmimet e importit të produkteve në seksionin “Energjia elektrike, gaz, avull dhe ajri kondicionuar” shënuan ulje me 4,1 %, pasuar nga seksionet “Furnizimi me ujë, aktivitete të trajtimit dhe menaxhimit të mbeturinave, mbetjeve” me 0,8 %, “Industri nxjerrëse” me 0,5 %. “Industria përpunuese” me peshën më të madhe prej 94,0 % shënoi ulje me 0,3 %. Brenda seksionit “Industria përpunuese” ulja më e madhe e çmimeve vërehet në produktet e aktiviteteve “Konfeksionimi i veshjeve” me 1,5 %, pasuar nga “Metalurgjia” me 1,1 %, pasuar nga “Prodhimi i produkteve të kauçikut dhe plastikës” me 1,0 %, “Përpunimi i tekstileve” me 0,9 % dhe “Prodhimi i pijeve” me 0,8 %. Nga ana tjetër, çmimet në aktivitetin “Prodhimi i produkteve të duhanit” shënuan rritje me 1,3 %, pasuar nga “Prodhimi i mobiljeve” me 1,2 %, “Shtypshkrimi dhe rigrupimi i mediave të regjistruara” me 0,8 %, etj.

**Ndryshimi Tremujor:** Krahasuar me tremujorin e tretë 2025, çmimet në seksionin seksionet “Furnizimi me ujë, aktivitete të trajtimit dhe menaxhimit të mbeturinave, mbetjeve” shënuan ulje me 0,7 %, pasuar nga “Energjia elektrike, gaz, avull dhe ajri kondicionuar” me 0,6 %, pasuar nga “Industria nxjerrëse” me 0,5 %. Nga ana tjetër “Industria përpunuese” shënoi një rritje me 0,1 %. Brenda seksionit “Industria përpunuese”, rritja më e madhe e çmimeve vërehet në produktet e aktivitetit “Përpunimi i produkteve ushqimore” me 0,9 %, pasuar nga “Prodhimi i mobiljeve” me 0,6 %, pasuar nga “Prodhimi i pajisjeve elektrike” me 0,5 %. Nga ana tjetër, çmimet e aktivitetit “Metalurgjia” shënuan ulje me 0,6 %, pasuar nga “Prodhimi i produkteve metalikë të fabrikuar, përveç makinerive dhe pajisjeve” dhe “Prodhimi i lëkurës dhe produkteve prej lëkure”, secili me 0,4 %, etj.

Për më shumë informacion dhe për të parë tabelat e detajuara, vizitoni bazën e të dhënave në faqen zyrtare të INSTAT: [Indeksi tremujor i Çmimeve të Importit](#)

# Metodologjia

**Indeksi i Çmimeve të Importit** mat ecurinë e çmimeve të transaksioneve të produkteve industriale të importuara për tu shitur në tregun vendas,

## INSTAT llogarit dhe publikon:

Indeksin e Çmimeve të Importit

Ndryshimet tremujore dhe vjetore të indeksit

## Fusha e mbulimit:

Seksioni B - Industri Nxjerrëse

Seksioni C – Industri Përpunuese

Seksioni D - Furnizimi me Energji Elektrike, Gaz e Avull dhe me Ajër të Kondicionuar

Seksioni E - Aktivitetet me ujë të ngrohtë, kanalizimeve, menaxhimit të mbeturinave dhe rregullimit

## Llogaritja e indeksit

Indekset llogariten për çdo produkt të klasifikuar sipas Nomenklaturës së Produkteve (NP 2008) në nivel 6-shifror dhe publikohen sipas Nomenklaturës së Veprimtarive Ekonomike (NVE rev.2) në nivel 2-shifror. Duke filluar nga tremujori i parë 2024 e në vazhdim Indeksi i Çmimeve të Importit ka si periudhë referuese vitin 2021 = 100. Metoda e llogaritjes së indeksit është metoda zinxhir (Laspeyres - chain index) sipas së cilës, çmimi i produktit në periudhën korente (y) krahasohet me çmimin e muajit Dhjetor të vitit të mëparshëm (y – 1).

Për llogaritjen e indeksit përdoret formula si më poshtë:

$$I_{korrent}^{y,m} = \frac{100}{\frac{1}{12} \sum^{Dec} I_{Y-1,Dec}^{Y,M}} + \prod_{Y=viti \text{ bazë}}^{y-1} I_{Y-1,Dec}^{Y,M} * I_{y-1,Dec}^{y,m}$$

- Pjesa e parë e formulës tregon ndryshimin e çmimeve të muajit Dhjetor të vitit të mëparshëm krahasuar me mesataren e çmimeve në vitin bazë.

- Pjesa e dytë e formulës tregon lëvizjen zinxhir të indeksit të çmimeve nga muaji Dhjetor të vitit të mëparshëm deri në periudhën y-1.

- Pjesa e tretë e formulës tregon ndryshimin e çmimeve nga muaji Dhjetor y-1 në muajin m të vitit y.

## Matësit e Indeksit

**Ndryshimi vjetor** mat ndryshimin e çmimit midis tremujorit korrent dhe të njëjtit tremujor të vitit të kaluar. Ky ndryshim është rrjedhojë e ndryshimeve vjetore në nivelet e çmimeve, por mund të ndikohet edhe nga efektet e papërsëritshme të çdo tremujori.

**Ndryshimi tremujor** mat ndryshimin e çmimit midis tremujorit korrent dhe tremujorit të mëparshëm.